

## LAB



JOKE LACALLE

Rafa Diez, LABek Lizarra-Garaziren bigarren urteurrenean egindako ekitaldian.

## RAFA DIEZ

(LABeko idazkari nagusia)

«Askatasunaren aldekoa dela dioten itun horren helburua Euskal Herriari izateko eta erabakitze askatasuna kentzea da»

«Lizarra deabrutzeko arrazoia Estatuaren ezina da, ezin baitio erantzun bere eduki demokratikoari»

## Lizarra-Garazi indartu

Horrez gain, Rafa Diezek berriro ere Lizarra-Garaziko adierazpenaren inguruan egiten den «manipulazioa» salatu zuen. Diezek, horrela, gogorazi zuen PPk eta PSOEek ez dutela gehiengorik Hego Euskal Herrian; eta Espainiatik egiten duten eraso horri «gehiengo politiko, sindikal eta sozialak duela bi urte egindako proposamenarekin» erantzun behar zaiola, Lizarra-Garaziko akordioarekin, alegia. «Izan ere, Lizarra-Garazi deabrutzeko arrazoia Estatuaren ezina da, ezin diolako beste jokabide batekin erantzun Lizarraren eduki demokratikoari».

Illo horretan, LAB sindikatuak Lizarra-Garaziko batzorde iraunkorraren bilera bat antolatzeko eskatu du, bertan «egoea aztertu eta bilkurara deitzea komeni den erabaki dadin». Hala, hurrengo kritika EAJ eta EAri egin zien Diezek. «EAJk eta EAK ezin dezakete Lizarra-Garaziren funtzionamendua bahitzen jarraitu. Beraz, behar izanez gero, akordioa sinatu genuen eragile sindikal eta sozialek hartu beharko genuke ekimen autonomo berriak proposatzeko ekimena».

## BEGOÑA ERRAZTI

Eako lehendakaria

«ETari buruz baino gehiago hitz egiten da EAJri eta EAri buruz. Gure ideiei uko egitea nahi dute»

saiatu garelako irtenbidea bilatzen», adierazi zuen.

EAK ostiralean aurkeztuko du jendaurrean akordioari buruzko iritzia. Hala jakinarazi zuen atzo Begoña Lasagabaster EAKo diputatuak. Gainera, kritikatu zuen PPk eta PSOEek euren artean bakarrik negoziatu izana hitzarmena, beste alderdiak aintzat hartu gabe. «Bakarriketa bat izan da», esan zuen.



TXEMA FERNANDEZ / EFE

Gorka Knorr.

«Lizarrako ahalegina kritikatu dute, baina eurak polizia eta zapalkunta gehiago planteatu dute. Idatzi horretan ez da kontuan hartzen hemen sufritzen ari dena euskal gizartea dela. Gainera, ahazten dute gu

# PP-PSOE itunean «espainiar batasunaren» diskurtso berritua ikusten du LABek

Irtenbidea gabe konfrontazioa nahi izatea egotzi die PP eta PSOEri

Erredakzioa | DONOSTIA

LAB sindikatuko idazkari nagusi Rafa Diezen arabera, PPk eta PSOEek atzo sinatutako ituna «espainiar batasun nazionalaren» inguruko diskurtso berritua baino ez da; eta «espainiar nazionalismoak» Galizia, Euskal Herriaren eta Kataluniaren «zilegizko eskaerei ematen dien erantzunaren ispilua» da. «Eta horrek frogatzen du espainiar

nazionalismo inperialaren inboluzio antidemokratiko eta inposatzailea jarri dutela abian», adierazi zuen. Diezen arabera, «askatasunaren alde dela dioten itun horren helburua Euskal Herriari askatasuna kentzea da, Euskal Herriak izateko eta erabakitze duen askatasuna kentzea».

Bestetik, irtenbide demokratikoak bilatzeko «borondate falta» leporatu die PP eta PSOEri;

## Gorka Knorr: «Mayor Orejaren diskurtsoaren itxura du hitzarmenak»

Agentziak | GASTEIZ

Espainiako Gobernuak, PPk eta PSOEek izenpetu duten hitzarmena Mayor Orejaren diskurtsoaren «kopia» dela adierazi du Gorka Knorr EAKo idazkari nagusiak. Gainera, uste du abertzaleak «bartzeltzeko» baino ez duela balioko.

Antzeko iritzia plazaratu du Begoña Erraztik, alderdiko lehendakariak. ETBn egindako adierazpenetan, jakinarazi du PPkoen eta sozialisten arteko itunaren helburua alderdi

abertzaleak «amore ematea dela».

Kontraesanak antzeman ditu Erraztik. Izan ere, ez du ulertzen ETaren aurkako omen den dokumentu baten barruan ETari baino «kritika gehiago» egitea EAJ eta EAri. «ETAz baino gehiago EAJ eta EAZ hitz egiten da. Eta horrek argi erakusten du helburu bat duela: gure ideia zilegizkoak ahaztea», esan zuen.

PPk eta PSOEek irtenbiderik ez dute eskaintzen, Erraztiren aburuz. Gainera, kritikatu du besteen ahaleginak deabrutzea.

## EAJ, IU, CC eta Kongresuko Talde Mistoa gaur bilduko dira, itunari erantzun bateratua emateko

EAJ, IU, CC eta Kongresuko Talde Mistoa (BNG, ERC, EA, IC, CA eta PA) gaur bilduko dira eguerdiko 13:00ean Kongresuko Jau-regian, PPk eta PSOEek atzo sinatutako itunari erantzun bateratua emateko asmoz. Hala, IUK egindako proposamenari erantzun egiten diote. Izan ere, alderdi horiek uste dute ETaren aurkako ituna «bartzeltzailea» dela. Bileran ez da izango CiUko ordezkariarik. Legebiltzarreko CiUko bozeramaile Xavier Triasek atzo nabarmendu zuenez, bere alderdiak ez du parte hartuko beste alderdien kontrako «fronteetan».

## EAJ itunetik kanpo ez uzteko proposamena helarazi die IUK sinatzaileei

Espainiako Gobernuaren Lehendakari eta PPko idazkari nagusi Javier Arenasi eta eta PSOEko idazkari nagusi Jose Luis Rodriguez Zapaterori txosten bat helarazi die IUK. Bertan, PP eta PSOEren arteko itunaren aurkako bederatzi neurri proposatzen dira. Horien artean dago EAJ itunetik kanpo ez uzteko eskaera. «Estatu ereduarekin zerikusia duten proposamen politiko guztiak legitimoak» direla uste du IUK, «baldin eta bide politikoetatik adierazten badira». Era berean, ETaren eta alderdi demokratikoen estrategiak «ez parekatze» eskatu du IUK.

## Maragall eta Pujolen arteko lehenengo bilera egin da

PSC-PSOEko presidente Pasqual Maragall CiUko presidente Jordi Pujolekin bildu zen atzo. Maragallek ez zuen adierazpenik egin nahi izan atzo arratsaldean, bileratik irten ondoren. Bi alderdien arteko lehenengo bilera dela besterik ez zuen esan. Aurretik, baina, CiUk ituna sina zezan ahaleginak egingo zituela adierazi zuen Maragallek. Herenegun CiUko buruak eta Pujol berak jakinarazi zuten ez zutela bat egingo itunarekin. Bestalde, Josep Lluís Carod-Rovira, ERCko idazkari nagusiak atzo proposatu zuen «bartzeltzailea izango ez den gogoetarako esparru bat sortzea».